

مكة على رؤسنا

١٨ نجى سنة

١٥ ربيع الاول ١٣١٥

جزء، عدد : ٦٦

تعريفات سید

[مابعد عن جزء ٦٤]

مؤلف دخی شرح موافقده ، متك (الانسان لايتحدان) قولنی شرح ایلدیگی
اشاده مطالعات آتیہی نظر دقت و محاکمہ وضع ایلر :
« اتحاد مجازاً بر شیدك استحاله طریقہ یعنی دفعۃً و یا تدریجاً تفسیر وانتقال
یولنده دیگر برشی اولسنه دینور . تهکیم صو . هوا . بیاض (بیض) سیاه (اسود)
اولدی . سولنیرکه اولکیسنده صو حقیقی هیولادن (ماده) صورت نوعیه سنك
(مراجعت) زوالی سبیلہ زائل و بو هیولایہ هوایه مخصوص اولان صورت نوعیه
منضم اوله رق دیگر بر حقیقت ، یعنی حقیقت هوا حاصل اولدی و ایکنجی صورته
سیاهاق صنعی آنکله موصوف اولان شیدن زائل و بو دخی دیگر بر صنعت ایلہ
یعنی بیاض صفتیلہ اتصاف ایلدی دیمك اولور . اتحاد کذا مجازاً بر شیدك ترکیب
طریقہ دیگر بر شی اولسنه ، یعنی بر شیدك دیگر بر شیدنه ضم و علاوہ اولنمسیلہ
اوچنجی بر شیدك حصول بولسنه دخی اطلاق اولنور .
مثلاً طوبراق چامور ، تحتہ و دیرك کوشك اولدی . دینورکه اتحادك بو ایکی
معنایہ کوره و قوعی تجویز اولنور . حتی احکام و آثاری دائمی الجریاندر .
لکن اتحادك عندالاطلاق متبادر اولان مفهومی که مثلاً زید و عمرو گبی ایکی
حقیقت موجود اولوبده زیدك عمرو و یا عمروك زید اولسی ، یعنی قبل الاتحاد موجود
اولان ایکی حقیقت بعدالاتحاد ، فقط اولجه موجود اولان بر حقیقت اولسی و یا زید
گبی فقط بر حقیقت موجود اولوبده بو حقیقت عینیلہ و زیدك بشقہسی اولمق اوزره
دیگر بر حقیقت و شخص آخر اولسی که بو تقدیرجه قبل الاتحاد بر شی موجود
و بعدالاتحاد كذلك بر شی موجود اولمقلہ برابر اتحاددن اول بو ایکنجی شی موجود

اولمسی صورتندن عبارتدر . بو معنالك هر هانكي بريله اولورسه اولسون اتحادك
بالضروره بطلانيه حكم ايديلور .

بو حالده : اتحاد زيد بعمر و . يعنى صار زيد بعينه عمروا ، تركينده معنای حقيقى
ايله حكم باطل اولدينى حالده (اتحادالماء بالهوا اى صار الماء هوائى بزوال صورته
النوعية عن الهوى و انضم اليه الصورة للنوعية التى الهوا) تركينده حكم صحيح و جاز
كوريلور . فقط لسان تركيده معنای مجازى به محمول اولدينى حالده دخى صو هوا
ايله اتحاد ايدلى . تعبيرينه شيوة استعمال مانع در . يعنى اتحاد كلمسى بو معنياه كوره
دخى مستعمل دگلدز . اصطلاحات كيميويه دن اولقى اوزره واقعا اتحاد استعمال
ايديلهرك ، مثلا مولدالماء ايله ، مولدالحوضه بالاتحاد صوحاصل اولدى . دينوركه آثار
كيميويه نك ظهورينه بادی اولان معامله و کیفیت امتزاج و یا اختلاط معناسى
قصد اولنور .

اتحادك تفسير مدلولنجه التزام اولان تدقيقات و محاكاتك الك بيوك ثمرسى عقايد
نصارانك اساسنى جرح و نقضه مدار و منتهى اولوركه بوراده بيان و تفصيلنه محل يوقدر .
اتحاد ، مطلقا اشتراك معناسنه آلهرق مثلا مواليد ثلثه دن حيوان ، نبات ،
معادن جنسده (جسم) متحددر . دينلديكى زمان بو اتحاد (مجانسته) . عقيق ،
كهربا ، دمير نوعده (معدن) متحددر . دينلديكى زمان دخى (مائله ايله) . مثلا
عناصرك كريت خاصه سننده اولدينى گي اتحاد خاصه ده اولورسه (مشاكله ايله) ،
احوال و كيفياتده مثلا ايكي شئيك سياه و بابياض ايله اتحادنده (مشابته ايله) ،
كميت و مقدارده (مساوات ايله) ، اطراف و نهاياتده (مطابقتله) . اضافت و تعلقاتده
مثلا ايكي شخصك بر بدن اوغلى اولمه لرنده (مناسبته) وضعيت اجزاده (موازنه ايله)
تفسير اولنور .

(مابعدى نسخه تاليده)

طالب فائقى زاده فهمى

